

路貽書逢聖曰在內以寧湖爲止水在外以漢江爲汨羅寧湖者雲路談經處也城旣陷乘桴入寧湖賊遣使來聘遙應曰我平生只讀忠孝書未嘗讀降賊書也遂投湖死從游諸生汪延陞亦死焉其同邑熊甯字渭公亦移居武昌喜邵子皇極書頗言未來事十六年元旦盡以所撰性理格言圖書懸象大易參諸書付其季弟曰善藏之城破前一日貽書雲路言明日當覓我某樹下及期行樹傍賊追至躍入荷池以死有諸生明睿者江夏人城破賊獨不入其門睿慨然曰安有父母之邦覆而偷生苟活者語家人速從我入井否則速去於是